

МЕСЯЦА НОЕМВРИА В 17-Й ДЕНЬ.

ИЖЕ ВО СВЯТЫХ ОТЦА НАШЕГО ГРИГОРИЯ ЕПИСКОПА, НЕОКЕСАРИЙСКАГО
ЧУДОТВОРЦА

На Господи, возвах: стихиры на 6, глас 8.

Подобен: Что вас наречем:

Что ты нареку, Григорие? * Владыку, яко страсти покорил еси уму; * делателя, яко пожал еси мудрости плод, * и Божественнаго видения сподобляема, * и Богословием Небесным оглашаема; * священнодателя священнейша и чудоделателя пречуднаго. * Моли спастися душам нашим. [Дважды.]

Что ты ныне нареку, Григорие? * Потребителя крепка безбожнаго злочестия, * уставоположника благочестия и учителя мудраго; * мира же подателя непобедна, * ратей разорителя непоборима, * в горах пребывающа и зряща, яже во градех. * Моли спастися душам нашим. [Дважды.]

Что ты ныне провозвещаю, преподобне? * Подражателя апостолов, яко чудес самотворца, * рекам запрещающа призыванием Христовым * и езеро братоубийственное изсушающа, * собор Богоборный разоряюща, * христианская составления умножающа и просвещающа. * Моли спастися душам нашим.

Что ты ныне провозглашу, преподобне? * Путевожда заблуждших и недугующих врача, * подателя треб просящим обильна, * гонителя демонов крепчайша, * поустителя¹⁴³ мученическаго подвига, * пророчески светящася благодатьми, достославне. * Моли спастися душам нашим.

Слава, глас 6:

Во глубину видения вшед, * всемудренне иерарше Христов, * Божественное навыка еси Троицы явление, * Духом провидя неуклонно Христа Бога нашего, * чудес бездну точиши нам, * мокрое вод естество в каменовидное претворив * и требищника льсти пременив мрачныя, * гонители увещал еси веровати истине * и столп благочестия добродетелей явился еси им, * чудесы пророк нареклся еси. * Тем молим тя, * не престай о нас Спаса молити, * еже спастися душам нашим.

И ныне, Богородичен или Крестобогородичен.

Подобен: Тридневен:

Видящи Тя распинаема, Христе, * Тебе Рождшая вопияше: * что странное, еже вижу, таинство, Сыне Мой? * Како на Древе умираеши, плотию повешен, * Жизни Подателю?

На стиховне стихиры, глас 5.

Подобен: Радуйся:

Радуйся, священнослова яве священо очищающа, * столп Церковный, повелением степень, * Учителева Божественная пищаль, * ум Богомудрый, гусли духовныя, * пастырь великий Христа, старейшаго Пастыря, * овча присное и агня кроткое, * крин, изливая повелений воды и целений струи, * священнотаибниче Григорие, * присно молися душам нашим даровати велию милость.

Стих: Уста моя возглаголют премудрость, * и поучения сердца моего разум.

Радуйся, святителем доброта, * добродетелей светлое обителище, * мерило спасения, священия правило, * река, воды Божественныя исполнь, * от неяже

напаяется подсолнечная вся * на благоплодие душевное и спасенное * и еретическая сквернена отмывается, * человеке Небесный, земный Ангеле, * уста, закон Божественный поучився, * Григорие, Христов наследниче, * подающаго богато велию милость.

Стих: Священницы Твои облечутся в правду, * и преподобнии Твои возрадуются.

Тучами Божественных молитв * езеро изсушил еси иногда, пряходатая * и струю прозябшим жезлом безчинно мудре, наводняя, * взяся Божиюю благодатию, * требища низложил еси бесовская, Григорие, * неверную зиму разорил еси * теплыми своими к Богу утепении, * чудесы известил еси души * и привел еси Благодетелеви всех, * от Негоже достойную прият мзду, * Егоже моли душам нашим подати велию милость.

Слава, глас 6:

Бодрость Божия дадеся тебе, мудре, по Даниилу, * якоже бо оному соние, * тако веры таинство открыся тебе. * Темже моли, преподобне отче, * спастися душам нашим.

И ныне, Богородичен или Крестобогородичен.

Подобен: Тридневен:

Всечистая, яко виде Тебе, на Кресте повешена, * плачуци, вопияше матерски: * Сыне Мой и Боже Мой, * сладчайшее Мое Чадо, * како терпиши страсть поносную?

Тропарь, глас 8:

В молитвах бодрствуя, чудес деланьми претерпевая, * тезоимение стяжал еси исправления; * но молися Христу Богу, отче Григорие, * просветити души наша, * да не когда уснем в смерть.

Слава, и ныне, Богородичен или Крестобогородичен.

На Утрени

Оба канона Октоиха и святого на 6, егоже краегранесие: Чудоделателю Григорию похвалу тку. Творение Феофаново. Глас 8.

Песнь 1

Ирмос: Колесницегонителя фараоня погрузи * чудотворяй иногда * Моисейский жезл, крестообразно поразив * и разделив море, * Израиля же беглеца, пешеходца, спасе, * песнь Богови воспевающа.

Твоих чудес во мне, Григорие, Божественное действо светло, отче, и ныне покажи, из глубины избавляя мя прегрешений, блаженне, и твоею просвещая светлостию, да достойно воспую тя.

Яко опасный, и умоиметелен¹⁴⁴, и мудр души благородное плотских сластей, блаженне, предсудил еси, мудрости догматы трудолюбно собирая, имиже она питается, Григорие, Богу приближающийся.

Целомудрие сестру стяжав, яко споспешницу благую, тя виде, лютый змий, Григорие, на тя зависть воздвиже, егоже посрамил еси, отче, долготерпением, жену, страстию объяту, исцелив.

На чуждей стране жительствуя, преподобне, всем честен ради добродетели явился еси, благочестив и Боголюбив, чудодейства дар от Бога прием, имиже познан был еси, Богоглаголиве, просия в мире, яко солнце.

Богородичен: Из корене, Чистая, царскаго прозябла еси и Царя Христа, Божие Слово, паче ума и мысли воплощенно родила еси из чистых Твоих кровей, сугуба¹⁴⁵ естеством суца и единственна Ипостасию.

Песнь 3

Ирмос: Утверждай в начале Небеса разумом * и землю на водах основавший, * на камени мя, Христе, заповедей Твоих утверди, * яко несть свят, паче Тебе, Едине Человеколюбче.

Очистив твой ум страстного треволнения и любомудраго видения исполнен, явился еси благолепен, мудрости обителище, и пророчества даром обогатился еси, Григорие.

Богодохновенному списанию прибеседовав, всеблаженне, и различного жития виды избрав яве, един добродетели образ в себе, Богомудре, утвердил еси, Григорие.

Богоявленне навик Божественным тайноводством таинство Богословия, просвети нас Троицу Единосущную, Единоестественну же почитати, Несозданну и Соприсносущну.

Богом наставлен, яко любовию Того взыскав, Чистую и Богородицу Марию и сына громава тайноучители имел еси, Троицы Свету тя, Богоглаголиве, научающия.

Богородичен: Жезл, прозябший Христа, цвет нетления и златую кадьницу, вси Тя вемы, Чистая, Божественнаго существа носящу на объятиих, Отроковице, Угль, Богоблаженная.

Седален, глас 3.

Подобен: Божественныя веры:

Нов был еси Моисей дела, * скрижали веры на горе таинственного Богоявления приим, * законоположив людем благочестие Троичныя тайны, Григорие. * Темже, вси вернии, чтим память твою, * просяще тобою велию милость.

Слава, и ныне, Богородичен:

Божественная скиния была еси Слова, * едина Пречистая Мати Дево, * чистотою Ангелы превозшедшая; * паче всех мене, персть бывша, осквернена плотскими прегрешеньми, * очисти молитв Твоих Божественными водами, * подающи, Чистая, велию милость.

Крестобогородичен:

Нескверная Агница, * Слова нетленная Дево Мати, * на Кресте зрящи повешена из Нея безболезненно Прозябшаго, * матеролепно рыдающи, вопияше: * увы Мне, Чадо Мое, * како страждеша волею, * хотя избавити от страстей безчестия человека?

Песнь 4

Ирмос: Ты моя крепость, Господи, * Ты моя и сила, * Ты мой Бог, Ты мое радование, * не оставль недра Отча, * и нашу нищету посетив. * Тем с пророком Аввакумом зову Ти: * силе Твоей слава, Человеколюбче.

Землю добрую, отче Богомудре, взорав, слова семя прием, во сто евангельски многосугубиши, еще и ныне, Григорие, приводя учении твоими Богу песнопующия: силе Твоей слава, Человеколюбче.

Яко молния, отче, возсияв, житие твое демонскую лесь отгна, свету бо твоя добродетели оных тьма прикоснутися не возможе. Темже неокорос¹⁴⁷ душетленная льсти, валявся, якоже камень, светится.

Мрак света Божественнейшаго видети сподобился еси, закон же Богописанный, яко Моисей, отче, прием, Богословия известное навыка еси: отсюда законоположник Христовы Церкви показался еси, Богомудре Григорие.

Риторскаго бусловия уклонився и словом, отче, благодати озарився, апостольскую истинно власть на демоны прият, твоя бо отбегает светящаяся зари тьмы предстатель, Григорие.

Богородичен: Кивот Тя издалеча прообрази, приемший закон Богописанный, во чреве Живоначалное Слово заченшую несказанно, Всенепорочная, питающаго богато души вопиющих: силе Твоей слава, Человеколюбче.

Песнь 5

Ирмос: Вскую мя отринул еси * от лица Твоего, Свете Незаходимый, * и покрыла мя есть чуждая тьма, окаяннаго, * но обрати мя и к свету заповедей Твоих * пути моя направи, молюся.

Деланием твоих словес ояденевшая сердца угладив, и Божественное семя в ня, иерарше, вверг еси, и плод многокласный Избавителю, спасение верных, Богоглаголиве, принес еси.

Божий предстатель, ревностию распалаемь, помаза тя Федим не пришедша, отче, Богу всяческая ведящему благочестно уповав и честному твоему житию надеявся, Богоглаголиве Григорие.

Струями твоих повелений идольская разжжения угасил еси и ученьми твоими верная утвердил еси, всемудре, возшед на гору, яко Самуил, видении и, яко дуб, быв твердостию.

Святителю Богомудре, твоими молитвами лютых мя избавляй, моих прегрешений рукописание, отче, расторгни, яко священник сый, от Бога власть приим оставляти прегрешения.

Богородичен: Украсилася еси, Дево, девственными Твоими пречистыми добротами, и первая Евы покрыла еси студ злообразный, Христа рождши, одеяние безсмертия дарующаго Тебе чтущим.

Песнь 6

Ирмос: Очисти мя, Спасе, * многа бо беззакония моя, * и из глубины зол возведи, молюся: * к Тебе бо возопих, и услыши мя, * Боже спасения моего.

Езеро, чудодействуя, братоубийственное изсушил еси, и реки стремления уставил еси, всемудре, жезл водрузив, иже вскоренися абие и возрасте Божественным мановением, Григорие.

Ревность Божия поядаше тя, всебогате, не терпя бо зрети Бога досаждаема, люди семуудренныя твоими молитвами, Богоглаголиве, погубил еси.

Умертвися, восхотевый уничтожити тя окаянный еврейн злочестивый, Богу ты прославляющему, Богомудре Григорие, Того догматов исполнителя показуя.

Богородичен: Найде Вседетельный на Тя Дух, Всенепорочная, и Слово Божие в Тя вселися и плоть бысть неизреченно, пребыв неизменен.

Кондак, глас 2.

Подобен: Вышних ища:

Чудес многих прием действо, * знаменьми ужасными демоны устрасил еси * и недуги отгнал еси человеческия, всемудре Григорие, * чудотворец же именуешися, * звание от дел прием.

Икос: Откуда начну похвалы ткати, окаянный, зря многия и пречудныя вещи? Аще от жития преподобнаго начну, отнюд не возмогу, всякаго бо ума превосходит житие его Божественное. Аще от чудес, и в сем прочее постыждуся, паче песка бо суще, сего ради наречеса чудотворец, звание от дел прием.

Песнь 7

Ирмос: Божия снизхождения * огонь устыдеса в Вавилоне иногда, * сего ради отроцы в печи радованною ногою, * яко во цветнице, ликующе, пояху: * благословен еси, Боже отец наших.

Отцев похвала и учителей честнословие, светильник Церкви, благочестия столп неколебленный ты явился еси, Григорие, зовый: благословен Бог отец наших.

Возсияв чудеса, вселенную просветил еси, сего ради, Богомудре, совокупльшеса, тебе блажим, твоими словеса питающеса, Григорие, и поюще: благословен Бог отец наших.

Врачевания, всемудре, немощным всем источил еси, излися бо благодать обильнейшая во устнах твоих чудодейственная, еюже зывал еси: благословен Бог отец наших.

Богородичен: Ныне вся исполнишася света Божественнаго Тобою, Пречистая, Ты бо дверь явилася еси, еюже миру Бог приобщися, просвещающая верою зовущия: благословен Бог отец наших.

Песнь 8

Ирмос: Седмерицею пещь * халдейский мучитель * Богочестивым неистовно разжже, * силою же лучшею спасены, сия видево, * Творцу и Избавителю вопияше: * отроцы, благословите, * священницы, воспойте, * людие, превозносите во вся веки.

Тобою обогатившися Троицы сиянием, Единосущныя и Честныя, Григорие, твое ныне торжество совершающе, благодатию чудодественною озаритися просим, вопиюще Владыце: дети, благословите, священницы, воспойте, людие, превозносите во вся веки.

Яко новоявленно зеркало, прием, всебогате, сияния начального Божества, мир просветил еси, лучи посылая света песнопесенно Православие поющим: дети, благословите, священницы, воспойте, людие, превозносите во вся веки.

Богом покрываемь, благочестия вина¹⁴⁸, Богочестивым соблюлся еси, всемудре, в горе сокрываемь, яко законоположник иный Моисей, Содетеля и Избавителя пети научая: отроцы, благословите, священницы, воспойте, людие, превозносите во вся веки.

Богородичен: Света Незаходимаго была еси обитель, Пречистая, девства добротами светящи и вся озаряющи, Богородицу Тя истинную исповедающия от души и вопиющия: дети, благословите, священницы, воспойте, людие, превозносите во вся веки.

Песнь 9

Ирмос: Ужасеся о сем Небо, * и земли удивипася концы, * яко Бог явися человеком плотски * и чрево Твое бысть пространнейшее Небес: * тем Тя, Богородицу, * Ангелов и человек чиноначалия величают.

Изящнейшаго жительство сияя светом, ныне Свету великому предстоиши Богодеятельными чудодействы, яко победитель венчаемь, преподобне, отче иерарше, чудотворче Григорие Богомудре, светило Церкви, православных удобрение.

Направити моли твоими молитвами церковное ныне священство, избранное и освященное, чудоделателю, и верно ныне память твою совершающим получитьи Горняго Царства и Божественнаго веселия сподобитися умоли.

Победив демонския прилоги, и плотское покорив мудрование, и архиерей незлобив и преподобен быв, правды одеянием облечен, чудотворче, предстоиши Престолу всех Царя со дерзновением, всеблаженне.

Богородичен: Явилася еси, о Дево, Мати Божия, паче естества рождши плотию Благое Слово, Егоже Отец от сердца Своего отрыгну, прежде всех век яко Благ, Егоже ныне и телес вышша разумеваем, аще и в тело облечеса.

Светилен:

Подобен: Жены, услышите:

Чудеса возсиял еси, чудотворче Григорие, * служителя идольскаго избавил еси от тли и прелести демонския, * камень подвигнув повелением, * езеро же изсушив, и реку оставил еси. * Темже ты вси согласно похваляем, треблаженне.

Богородичен. Подобен тойже:

Радуйся, верных похвало; * радуйся, преподобных утверждение; * радуйся, праведных славо; * радуйся, свете сущих во тьме; * радуйся, храме пресвятой; * радуйся, Божий раго; * радуйся, клятвы разрешение, Благословенная Марие.

На стиховне Октоиха и святого стихира, глас 4.

Стих: Священницы Твои облечутся правдою, * и преподобнии Твои возрадуются.

Священства избрание от Бога прием * и в Божественную ризу свыше одеаяся, * прежде неверствия сыны * чада света и наследники показал еси * Божия бо мудрости благодати, * изливающейся во устах твоих, * преславных вещей самоделателю Господень, Григорие. * Тем и ныне в памяти твоей * молися Христу Богу о душах наших.

Слава, глас 8:

Пресловущаго в чудесех иерарха и бездушная стыдящися, * преславно прелагахуся: * езеро бо изспе, братию воумляющее, * жезл же возрасташе, реку обуздаючи, * камень словом преложися, * приводя неверных к Божию познанию, * егоже ради подаждь, Боже, * душам нашим велию милость.

И ныне, Богородичен или Крестобогородичен.

Подобен: О, преславнаго чудесе!

Что зримое видение, * еже Моими очесы видится, о Владыко! * Содержай всю тварь на Древо воздвижен быв, * и умираещи, всем даяй жизнь, * Богородица, плачущи, глаголаше * егда узре на Кресте возносима * из Нея неизреченно возсиявшаго * Бога и Человека.

НА ЛИТУРГИИ

Блаженны Октоиха и святого, песнь 3-я.

Очистив твой ум страстного треволнения и любомудраго видения исполнен, явился еси благолепен, мудрости обителище, и пророчества даром обогатился еси, Григорие.

Богодохновенному списанию прибеседовав, всеблаженне, и различного жития виды избрав яве, един добродетели образ в себе, Богомудре, утвердил еси, Григорие.

Богоявленне навик Божественным тайноводством таинство Богословия, просвети нас Троицу Единосущную, Единоестественну же почитати, Несозданну и Соприсносущну.

Богородичен: Жезл, прозябший Христа, цвет нетления и золотую кадильницу, вси Тя вемы, Чистая, Божественнаго существа носящу на объятиих, Отроковице, Угль, Богоблаженная.

Тропарь святого, глас 8:

В молитвах бодрствуя, чудес деланьми претерпевая, * тезоимение стяжал еси исправления; * но молися Христу Богу, отче Григорие, * просветити души наша, * да не когда уснем в смерть.

Кондак святого, глас 2.

Чудес многих прием действо, * знаменьми ужасными демоны устрашил еси * и недуги отгнал еси человеческия, всемудре Григорие, * чудотворец же именуешися, * звание от дел прием.

Прокимен, глас 7: Честна пред Господем смерть преподобных Его.

Стих: Что воздам Господеви о всех, яже воздаде ми?

Апостол к Коринфяном, зачало 151.

Братие, комуждо дается явление Духа на пользу. Овому бо Духом дается слово премудрости, иному же слово разума, о томже Дусе, другому же вера, темже Духом, иному же дарования исцелений, о томже Дусе. Другому же действия сил, иному же пророчество, другому же разсуждения духовом, иному же роди языков, другому же сказания языков. Вся же сия действует един и тойжде Дух, разделяя властию коемуждо якоже хочет.

Аллилуия, глас 2: Священницы Твои облечутся правдою, и преподобнии Твои возрадуются.

Евангелие от Матфея, зачало 34, от полу.

Во время оно, призвав Иисус обанадесять ученики Своя, даде им власть на дусех нечистых, яко да изгонят их, и целити всяк недуг и всяку болезнь. Сия обанадесять посла Иисус, заповеда им, глаголя: на путь язык не идите и во град Самарянский не внидите. Идите же паче ко овцам погибшим дому Израилева. Ходяще же проповедуйте, глаголюще, яко приближися Царствие Небесное. Болящия изцеляйте, прокаженных очищайте, мертвья воскрешайте, бесы изгоняйте, туне приясте, туне дадите.

Причастен: В память вечную:

СВЯТИТЕЛЬ ГРИГОРИЙ ЧУДОТВОРЕЦ, ЕПИСКОП НЕОКЕСАРИЙСКИЙ

Святитель Григорий Чудотворец, епископ Неокесарийский, от юности возлюбил Господа Иисуса Христа, Истинного Бога, и с помощью Его восходил от силы в силу, от добродетели к добродетели. Жизненный путь его был беспорочен, за что Господь возлюбил Григория и прославил благодатными дарами чудотворения и прозорливости.

Святитель Григорий родился в языческой семье в Неокесарии (на севере Малой Азии). Отец готовил его в риторы. Однако, занявшись изучением эллинской премудрости, святитель, по Промыслу Божию, вскоре нашел и истинную путеводную звезду – Евангельское учение и начал жить по заповедям Спасителя.

Для завершения образования он решил ехать в Рим, но Промысл Божий направил его в Александрию – центр языческой и христианской учености. Там будущий святитель в течение восьми лет учился у знаменитейшего учителя – пресвитера Оригена, от которого и принял Крещение.

В Александрии добродетелям святого Григория удивлялись даже старцы, видя его целомудрие, воздержание и нестяжательность. Сверстники – язычники решили оклеветать святого. Однажды, когда святой Григорий беседовал с учителями на площади, к нему подошла известная в городе блудница, наученная завистниками, и стала требовать платы за якобы совершенный с нею грех. Сначала святой Григорий кротко возразил ей, что она ошибается, принимая его за кого-то другого. Однако блудница не унималась. Тогда он попросил друга дать ей деньги. Как только блудница взяла в руки неправедную мзду, она тотчас же пала на землю в припадке беснования, а затем созналась в обмане. Святой Григорий совершил над ней молитву, и бес оставил ее.

Вернувшись на родину, святой удалился в пустыню. Полюбив пустынножительство, он хотел остаться в уединении до конца своих дней, однако Господь судил иначе. Его ожидала епископская хиротония. Посвящение же святого было необычным.

Епископ каппадокийского города Амасии, Федим, узнав о высокой подвижнической жизни святого Григория, решил поставить его епископом Неокесарийским. Провидя духом желание архипастыря, святой стал скрываться от посланцев епископа, которым было поручено разыскать его. Тогда епископ Федим рукоположил святого во епископа Неокесарийского заочно, прося Господа, чтобы Он Сам совершил хиротонию.

Святой Григорий воспринял такое чрезвычайное событие как проявление воли Божией и повиновался. Этот эпизод из жизни святого Григория описал святитель Григорий Нисский (память 10 января). Он же сообщает, что епископский сан святой Григорий Неокесарийский воспринял только после совершения над ним всех положенных священнодействий.

Перед хиротонией, на которой нужно было произнести Исповедание веры, святой Григорий горячо и усердно молился, прося Бога и Божию Матерь открыть ему истинный образ поклонения Пресвятой Троице. Во время молитвы ему явилась Пречистая Дева Мария, сияющая, как солнце, с апостолом Иоанном Богословом, облеченным в архиерейские одежды. По повелению Богородицы, апостол Иоанн

научил святого, как достойно и праведно следует исповедовать тайну Пресвятой Троицы, и святой Григорий записал слова откровения:

«Един Бог, Отец Слова Живого, Премудрости Ипостасной, Силы и Образа Вечного, Совершенный Родитель Совершенного, Отец Сына Единородного. Един Господь, Единый от Единого, Бог от Бога, Образ и Изображение Божества, Слово действительное, Премудрость, объемлющая состав всего существующего, и творческая Сила всей твари, Истинный Сын Истинного Отца, Невидимый, Нетленный, Бессмертный и Присносущный Сын Невидимого, Нетленного и Присносущного Отца. И Един Дух Святой, Который имеет Существо от Отца и явлен людям чрез Сына, Совершенный Образ Совершенного Сына, Жизнь, Причина всего живого, Источник Святой, Святыня, подающая освящение, в Котором открывает Себя Бог Отец, Иже над всеми и во всем, и Бог Сын, Иже чрез всех, Троица совершенная, славою, вечностью и царством, неразделяемая и неотчуждаемая. Итак, в Троице нет ничего сотворенного, или служебного, или привнесенного, как бы прежде не бывшего, а впоследствии произошедшего. Итак, ни в чем у Сына не было недостатка пред Отцем и у Святого Духа пред Сыном, но непременно и неизменна есть всегда та же Троица».

Символ веры, записанный святителем Григорием Неокесарийским,— великое Божественное откровение в истории Церкви. На нем основано учение о Святой Троице в Православном Богословии. В последующем оно было раскрыто святыми отцами Василием Великим, Григорием Богословом, Григорием Нисским. Пятый Вселенский Собор (553 г.) одобрил этот Символ, считая значение его непреходящим для Православия.

Чудесным было вступление святого епископа в Неокесарию, пребывавшую во тьме идолопоклонства, где было только 17 христиан. Еще по дороге из Амасии святитель изгнал бесов из языческого храма. Жрец капища, став свидетелем еще одного чуда — по молитве святителя Григория громадный камень сдвинулся и переместился на указанное место,— обратился ко Христу и оповестил неокесарийцев о чудесах святителя. И языческий город вышел навстречу святому Григорию, почтив его и тем предзнаменуя свое обращение ко Христу.

Множества людей, целыми семьями, собирались вокруг святителя слушать его учение и становились свидетелями дивных знамений и откровений.

Святитель изгонял бесов, исцелял всякий недуг, предсказал и остановил страшную моровую язву, поразившую горожан за нечестие; иссушил озеро, явившееся причиной раздора родных братьев (чтобы «не иссякла братняя любовь»); остановил разлив реки Ликос, затоплявшей селения, поля и сады; передвинул гору, чтобы освободить место для строительства храма.

Жители города Команы, услышав о чудесах святителя, просили его поставить им достойного епископа. Через несколько дней святитель Григорий, к удивлению, всех избрал угольщика Александра, оказавшегося поистине сокровенным сокровищем. Святитель Александр (память 12 августа) был украшением Церкви и увенчал свое достойное служение мученической кончиной.

Когда началось гонение на христиан при императоре Декии (249–251), святитель Григорий увел свою паству на отдаленную гору. Один язычник, знавший местопребывание христиан, указал его гонителям. Воины окружили гору. Святитель

вышел на открытое место, поднял руки к небу, и, повелев своему диакону поступить так же, начал молиться. Воины обыскали всю гору, прошли несколько раз мимо молящихся и, не увидев их, вернулись назад. Они рассказали в городе, что на этой горе спрятаться негде: там никого нет, стоят лишь два дерева недалеко друг от друга. Доносчик был потрясен чудом, раскаялся и стал ревностным христианином.

Святителю Григорию было дано духом видеть кончину мученика Троадия (память 2 марта) в Неокесарии, о чем он сообщил скрывавшемуся с ним диакону. Диакон, желая убедиться в этом, решил отправиться в город. В пути диакон подвергся нападению бесов и смог добраться до города только благодаря молитвенному заступничеству святителя. Об этом ему было явно засвидетельствовано побежденным врагом. Убедившись в истинности видения святителя Григория, диакон благополучно вернулся.

После прекращения гонений святитель Григорий пришел в Неокесарию. По его благословению были установлены церковные праздники в честь мучеников, пострадавших за Христа.

На закате дней своих святитель Григорий вместе с братом – святителем Афинодором, епископом Понта, присутствовал на Антиохийском Соборе (264 г.), осудившем ересь Павла Самосатского. На Соборе святитель Григорий занимал первенствующее место.

При блаженной кончине своей († ок. 266–270) святитель Григорий спросил, сколько еще неверующих осталось в Неокесарии. Ему ответили: семнадцать человек. «Когда я пришел на епископство, я столько же нашел христиан, – промолвил святитель, – ныне же весь город Христов». С этими словами святой угодник Божий предал душу свою Господу.